

勝天王般若波羅蜜經

才五

七十一
羽五

47487



元祿九年丙子二月日重脩

皇圖翠圖 帝階銀呂

佛日增輝 懋輪常轉

山城州天安寺法金剛院置



勝天王般若波羅蜜經卷第五

羽

陳優禪尼國王子月婆首那譯

勝天王般若波羅蜜經無所得品第八

尔時衆中有一菩薩摩訶薩名須真脰白勝
天王言如來爲大王受記乎勝天王荅善思
惟菩薩言善男子我受記如夢相又問大王
如此受記當得何法荅言善男子佛授我記
竟無所得又問無所得者爲是何法荅曰不
得衆生壽者人養育陰界入悉無所得若善
不善若染若淨若有漏若無漏若世間若出
世間若有爲若無爲若生死若涅槃悉無所
得又問若無所得用受記爲荅曰善男子無

所得故則得受託又問若如大王所說義有
則有二智一無所得二得受託答曰若有二
者則無受託何以故佛智無二諸佛世尊以
不二智授菩薩記又問若智不二云何而有
授記得託答曰得託授託其際不二又問不
二際者云何有託答曰通達不二際即是受
託又問大王任何際中而得受託答曰任我
際得受託任衆生際壽命際人際得受託又
問我際當於何求答曰高於如來解脫際求
又問如來解脫際復於何求答曰當於無明
有愛際求又問無明有愛際當於何求答曰
當於畢竟不生際求又問畢竟不生際當於

何求答曰當於無知際求又問無知者為無
所知云何於此際求答曰若有知所求不可
得以無知故於此際求又問此際無言云何
可求答曰以言語斷是故可求又問云何言
語斷答曰諸法依義不依又問云何依義語
答曰不見義相又問云何不見答曰不生分

別義是可依我為能依無此二事故名通達
又問若不見義此何所求答曰不見不取故
名為求又問若法可求即是有求答曰不尔
夫求法者是無所求何以故若是可求則為
非法又問何者是法答曰法無文字亦離言
語又問離文言中何者是法答曰文言性離

心行處滅是名為法一切諸法皆不可說其
不可說亦不可說善男子若有所說即是虛
妄中無實法又問諸佛菩薩常有言說皆虛
妄乎荅曰諸佛菩薩從始至終不說一字云
何虛妄又問若有所說云何過荅曰謂言
語過又問言語何荅曰謂思量過又問何
法無荅曰無說所說不見二相是則無荅
又問過何為本荅曰能執為本又問執何為
本荅曰著心為本又問著何為本荅曰虛妄
分別又問虛妄分別以何為本荅曰攀緣為
本又問何所攀緣荅曰緣色聲香味觸法又
問云何不緣荅曰若離愛取則無所緣以是

義故如來常說諸法平等說此法門時衆中
五千比丘得遠塵離垢法眼淨一萬二千菩
薩得無生法忍無量無邊衆生發阿耨多羅
三藐三菩提心尔時勝天王即從座起偏袒
右肩右膝著地合掌向佛頭面作禮而白佛
言世尊善男子善女人聞是般若波羅蜜云
何未發阿耨多羅三藐三菩提心者即能發
心皆悉成就得不退轉行常勝進而無墮落
佛告勝天王言大王諦聽善思念之當為王
說善男子善女人聞般若波羅蜜行得勝進
無有退墮勝天王言善哉世尊唯然願聞佛
告勝天王言大王若善男子善女人聞般若

波羅蜜以清淨意發阿耨多羅三藐三菩提
心具足正信親近賢聖樂聞正法遠離嫉妬
無有慳悋常修寂靜好行布施心無隔礙恒
離穢濁正信業果心不疑惑知黑白報設為
身命不應作者終不為之大王善男子善女
人如是行般若波羅蜜則遠離殺生不與取

邪淫妄語兩舌惡口綺語貪瞋邪見四常擊
念此十善法大王善男子善女人行般若波

羅蜜以方便力若見世間憍慢門正行精進
戒品清淨系多聞解義常起正念心性調伏
寂不散口恒愛捨遠離諸惡不善之法修習
衆善不自務高於他不下不作惡口及無義

波羅蜜以清淨意發阿耨多羅三藐三菩提
心具足正信親近賢聖樂聞正法遠離嫉妬
無有慳悋常修寂靜好行布施心無隔礙恒
離穢濁正信業果心不疑惑知黑白報設為
身命不應作者終不為之大王善男子善女
人如是行般若波羅蜜則遠離殺生不與取

及邪淫妄語兩舌惡口綺語貪瞋邪見四常繫

念此十善法大王善男子善女人行般若波

羅蜜以方便力若見卅門修羅門正行精進

戒品清潔多聞解義常起正念心性調伏寂

靜不散口恒愛語遠離諸惡不善之法修習

衆善不自務高於他不下不作惡口及無義

於

語不捨念處其心調直能斷有流善拔毒箭
捨離重擔起出有難已度後有大王善男子
善女人行般若若彼罪案若見如是菩薩摩訶
薩則應親近依止是人為善知識菩薩摩訶
薩以方便力而為說法善男子施得大富持
戒生天聽法大智又復告言此是布施此是
施報此是姘姘是嫉妬報此是忍辱是忍辱
報此是精進是精進報此是禪定是禪定報
此是般若若此是般若報此是愚癡是愚痴報是
身善業身善業報是身惡業身惡業報是口
善業口善業報是口惡業口惡業報是意善
業意善業報是意惡業意惡業報諸善男子

善女人此法應作此不應作若如是修致長
夜樂不如是作得長夜苦大王善男子善女
人以方便力親近善知識得聞如是次第說
法菩薩摩訶薩若知彼人是法器者則應為
說甚深般若波羅密所謂空無願無作
無生無滅無我無眾生無命無人而說甚深
因緣法因此法生彼法生此法滅彼法滅所
謂無明緣行行緣識識緣名色名色緣六入
六入緣觸觸緣受受緣愛愛緣取取緣有有
緣生生緣老死憂悲苦惱無明滅則行滅行
滅則識滅識滅則名色滅名色滅則六入滅
六入滅則觸滅觸滅則受滅受滅則愛滅愛

滅則取滅取滅則有滅有滅則生滅生滅則
老死憂悲苦惱滅大王菩薩摩訶薩行般若
波羅蜜以方便力作如是說於真實中無有
一法可生可滅何以故世間諸法皆因緣生
無我作者因緣和合無一實法受生滅者虛
妄分別於三界中但有假名隨業煩惱而受
果報若以般若波羅蜜如實觀察一切諸法
無生無滅無作受者若法無作是亦無行則
於諸法心無所著謂不著色受想行識不著
眼色識不著意法識大王菩薩摩訶薩作如
是說一切諸法自性空離不取不著善男子善
女人因如是說則無退失大王菩薩摩訶薩

行般若波羅蜜樂見諸佛樂聞正法不墮卑
賤在所生處不離見佛聽受正法供養衆僧
面見諸佛勇猛精進志求正法不著有爲妻
子僕隸生生所資貪悉不貪著不染諸欲常依
正教憶念諸佛離俗出家如聞修行轉爲他
說心無求望見聽法衆常生大慈一切衆生
而起大悲多聞廣學不惜身命少欲知足常
樂遠離但採義理不滯言辭說法修行不爲
自身唯化衆生得無上樂所謂佛智大王菩
薩摩訶薩行般若波羅蜜如是修行遠離放
逸攝護諸根若眼見色不著色相如實觀察
山色過患耳聲鼻香舌味身觸意法亦尔若

縱諸根名為放逸若能攝護名不放逸菩薩
摩訶薩行般若波羅蜜調伏自心將護他意
名不放逸遠離貪欲心順善法覺觀瞋癡不
善根本身惡口惡及以邪念一切不善皆悉
遠離名不放逸菩薩摩訶薩行般若波羅蜜
心常正念名不放逸大王菩薩摩訶薩行般
若波羅蜜一切諸法信為其首正信之人不
生惡趣心不行惡聖人所讚大王菩薩摩訶
薩行般若波羅蜜如法修行在在生處常得
值佛遠離二乘安住正道得大自在成就大
事如來正智菩薩摩訶薩行般若波羅蜜欲
求安樂當勤隨順薩婆若路大王今此大衆

得聞深般若波羅蜜已於過去無量百千萬
劫供養諸佛修習善根是故應當勤加精進
勿令退失大王若天若人能制諸根不著五欲
遠離世間常修出世三業清淨習助道法名
不放逸大王菩薩摩訶薩行般若波羅蜜正
信具足心不放逸勤修精進令得勝法名不
放逸大王菩薩摩訶薩欲具正信心不放逸
精進正念當學般若波羅蜜因是念智能速
成就阿耨多羅三藐三菩提法大王菩薩摩
訶薩行般若波羅蜜具足正信心不放逸勤
修精進即得正念用是念智知有知無云何
有無若修正行得正解脫是名為有若修邪

行得正解脫是名爲無眼耳鼻舌身意世諦
爲有真實中無菩薩摩訶薩勤修精進能得
菩提是名爲有懶墮菩薩得菩提者是名爲
無若說五陰皆從虛妄顛倒而生是名爲有
若謂世法不從因緣自然生者是名爲無色
是無常苦敗壞法是名爲有若言常樂非敗

壞法是名爲無受想行識亦復如是無明緣
行是名爲有若離無明而行生者是名爲無
行緣識乃至生緣老死憂悲苦惱皆亦如是
施得大富是名爲有施得貧窮是名爲無清
淨持戒得生善道是名爲有若生惡趣是名
爲無乃至般若波羅蜜能得成聖是名爲有

修行般若波羅蜜作凡夫者是名為無苦修
多聞能得大智是名為有得愚癡者是名為
無若修正念能得出離是名為有不得為無
若行邪念不得出離是名為有得者為無無
我我所能得解脫是名為有有我我所而得
解脫是名為無若言虛空遍一切處是名為
有五陰中我是名為無如實修智能得解脫
是名為有若著邪智而得解脫是名為無若
離我見衆生見壽者見人見能得空智是名
為有著我衆生壽者人見能得空智是名為
無大王菩薩摩訶薩行般若波羅蜜如是知
世有無能修平等了知諸法因緣而生世諦

故有不起常見知因緣法本性自空不生斷
見於諸佛教如實通達大王諸佛如來略為
菩薩說是四法世間沙門婆羅門及長壽天
心皆著常為破此執說行無常有諸天人及
貪著樂為破此計說一切苦外道邪見著身
中我為破此執而說無我又復為破增上慢
人是故而說涅槃寂靜說無常者令其志求
究竟之法為說苦者令離願求說無我者為
顯空門說寂靜者令達無相大王菩薩摩訶
薩行般若波羅蜜如是修學於諸善法終無
退墮速成阿耨多羅三藐三菩提爾時勝天
王白佛言世尊菩薩摩訶薩行般若波羅蜜

修何等行擁護正法佛告勝天王言大王菩薩摩訶薩行般若波羅蜜行不違言敬重尊長隨順正法心行調直諸根寂靜遠離衆惡不善之法修習善根名護正法大王菩薩摩訶薩行般若波羅蜜修身業慈悲口業慈悲意業慈悲不求名利持戒清白遠離諸見名護正法大王菩薩摩訶薩行般若波羅蜜不隨愛行不隨瞋行不隨癡行不隨畏行名護正法大王菩薩摩訶薩行般若波羅蜜修習慙愧名護正法大王菩薩摩訶薩行般若波羅蜜說法修行悉如所聞名護正法大王三世諸佛為護正法是故擁護天王人王令法

久住說是陀羅尼

多姪他阿吼羅

理我反

吼羅婆

捕我反

底

都履

反下

厚羅拏

拏假反

莎白荼

社假

柘柘柘柘

柘祢

寧履反

富拏造

都我反

义多义延多

义也莎摩

暮何反

奢摩祢柯羅

甌瓠瓠婆

底杞

姑履反

羅婆底金

季侵

阿毗

彭履

奢底祢

莎羅祢社闍社社摩底

阿婆施祢

婆施

跋多跋多孺莎履衰多孺悉蜜履復底提婆

多孺悉蜜履復底

若龍夜义軋闍婆阿脩羅迦樓羅緊那羅摩

睽羅伽一切眾生成得安隱大王此大神呪

三世諸佛為護正法擁護天王人王宜應誦

持怨賊惡難魔障正法皆悉消滅諸佛如來
為令正法久住世故護天人王使其護法說
是般若波羅蜜神呪法門時一切天宮大地
諸山大海皆悉震動眾中八萬眾發阿耨
多羅三藐三菩提心尔時勝天王以七寶網
彌覆佛上而白佛言世尊菩薩摩訶薩行般

若波羅蜜修何等法於阿耨多羅三藐三菩
提心不移動佛告勝天王言大王菩薩摩訶
薩行般若波羅蜜修無礙大慈無猷大悲成
辦大事勤加精進學空三昧修平等智以方
便力則能通達清淨大智明了如實三世平
等無有障礙履三世佛所行之道大王菩薩

摩訶薩行般若波羅蜜修如是法於阿耨多
羅三藐三菩提心不移動勝天王白佛言世
尊菩薩摩訶薩云何行般若波羅蜜聞佛不
思議事不怖不畏不驚不悔佛告勝天王言
大王菩薩宜應具足般若具足闍那近善知
識樂聞深法了知諸法皆悉如幻悟世無常
心不住著猶如虛空知一切法生必有滅大
王菩薩摩訶薩行般若波羅蜜修如是法聞
佛不思議事不怖不畏不驚不悔勝天王白
佛言世尊云何菩薩摩訶薩行般若波羅蜜
於一切處而得自在佛告勝天王言大王菩
薩摩訶薩行般若波羅蜜修五神通具足無

礙諸解脫門四禪四無量心方便般若波羅
蜜於一切處而得自在勝天王白佛言世尊
菩薩摩訶薩行般若波羅蜜得何等門佛告
勝天王言大王菩薩摩訶薩行般若波羅蜜
得闍那門能入衆生諸根利鈍得般若門分
別句義得陀羅尼門惣知一切語言音聲得
無礙門說法不盡大王是名菩薩摩訶薩行
般若波羅蜜得是諸門勝天王白佛言世尊
菩薩摩訶薩行般若波羅蜜得何等力佛告
勝天王言大王得寂靜力成就大悲故得精
進力成就阿鞞跋致故得多聞力成就大智
故得信樂力成就解脫故得修行力成就出

離故得忍辱力愛護衆生故得菩提心力斷
除我見故得大悲力教化衆生故得無生忍
力成就十力故大王菩薩摩訶薩行般若波
羅蜜成就如是等力說是法門時衆中五百
菩薩得無生法忍八千天子得阿鞞跋致一
萬二千天子得遠塵離垢法眼淨四萬人天
發阿耨多羅三藐三菩提心

勝天王般若波羅蜜經證勸品第九

爾時佛告勝天王言過去之世阿僧祇阿僧
祇劫不可數不可思量此時有佛名功德寶
王如來應供正遍知明行足善逝世間解無
上士調御丈夫天人師佛世尊國名寶莊嚴

劫名善觀時世豐樂無諸疾惱人天往來不
相隔礙地平如掌無有山陵埳阜荆棘生諸
細草柔軟青紺如孔雀毛長可四寸下足則
靡舉步隨昇種種名華須摩那華占蔔伽華
及餘軟草皆悉周遍不寒不熱四時調和純
青琉璃以成其地世界衆生心性柔善制伏
三毒不隨之行時功德寶王佛有聲聞衆一
萬二千那由他人菩薩摩訶薩衆六千二億
人時人壽命三十六億那由他歲或復中天
有一國土名無垢莊嚴其城南北廣一百二
十八由旬東西八十由旬十千園苑以爲嚴
饒十千小國周遍圍遶轉輪聖王名曰治世

七寶具足王四天下已曾供養無量諸佛深
種善根不退阿耨多羅三藐三菩提心有四
園苑妙華莊嚴功德悅意孔雀遊戲四時適
樂城壁厚十六由旬門堞樓觀悉用七寶有
四大池皆廣半由旬七寶爲岸閭浮檀金以
成階道底布金沙池中之水具八功德生寶

蓮華鳧鴈鵝鴛鴦鴛鴦狴狴遊戲其中岸列諸
樹白檀赤檀尸梨沙等上有鸚鵡舍利迦鳥
翔集遊戲王之內宮七十千人相貌端正承
事實女咸悉發心向阿耨多羅三藐三菩提
王有千子大力勇健能摧怨敵具二十八
丈夫相莊嚴其身悉已發心向阿耨多羅三

藐三菩提尔時功德寶王如來與無量天龍
夜叉軋闍婆阿脩羅迦樓羅緊那羅摩睺羅
伽人非人等前後圍遶入無垢莊嚴大城治
出聖王即與七寶千子宮人奉迎世尊施設
種種微妙供養尔時世尊及諸大衆受供養
已還歸本處王與七寶千子內人出城奉送
亦即還宮時治世王忽自歎曰人身無常富
貴如夢諸根不駛正信甚難值佛聞法如優
曇華時彼千子知其父王戀仰世尊樂聞正
法即為營造牛頭栴檀七寶莊嚴妙臺其香
一兩直閻浮提此臺東西廣十由旬南北十
三由旬四角大柱衆寶莊嚴十千寶輪諸子

將送奉獻聖王時王受已而讚歎曰善哉諸
子我欲誼佛聽受正法尔時千子於此臺中
造師子座安處聖王及諸宮人其臺四邊懸
繒幡蓋覆七寶網角垂金鈴種種諸華占蔔
迦華須摩那華優鉢羅華拘物頭華分陀利
華迦摩羅華而散臺上燒無價香泥香塗之
末香以散尔時千子共捧此臺人各一輪飛
騰虛空猶如鵝王往誼佛所安詳不搖至地
徐下即到佛前頭頂禮足右遶世尊及諸大
衆凡七帀已退立一面尔時聖王及諸宮人
從寶臺下王脫寶冠各脫革屣至世尊前頂
禮佛足右遶世尊及諸大衆凡七帀已退坐

一面。爾時寶莊嚴王佛即告之言。聖王。今來聽正法乎。爾時治世聖王即從座起。齊整衣服。頭頂禮足。而白佛言。世尊。所說正法。何者是乎。爾時世尊讚治世王言。善哉。善哉。能為利益。無量天人。作是深問。如來應供。正遍知。當為大王。分別解說。治世聖王即白佛言。世尊。唯然。願聞。爾時佛告治世聖王言。大王。菩薩摩訶薩。行般若波羅蜜。通達一切法。名為正法。所謂四念處。四正勤。四如意足。五根。五力。七覺分。八聖道分。空。無相。無願。通達平等。名為正法。治世聖王白佛言。世尊。菩薩摩訶薩云何行般若波羅蜜。於大乘中。恒得勝進。而不退墮。

佛告治世聖王言大王菩薩摩訶薩行般若
波羅蜜因正信故而得勝進何者正信知一
切法不生不滅自性寂靜常能親近正行之
人不應作法終不造作心離散亂聽受正法
不見說者不見我聽勤修精進今得神通身
心輕舉教化衆生不見我有神通能化衆生
受化何以故大王菩薩摩訶薩行般若波羅
蜜不見我不見衆生二處平等則得勝進而
不退墮大王菩薩摩訶薩行般若波羅蜜攝
護諸根不令取著一切資生起無常想知法
寂靜命如假借大王菩薩摩訶薩如是行般
若波羅蜜於大乘中心不放逸大王菩薩摩

訶薩行般若波羅蜜於其夢中尚不忘失菩提之心教化衆生令修佛道一切善根迴向阿耨多羅三藐三菩提見佛神力歡喜讚歎大王菩薩摩訶薩如是行般若波羅蜜則能速成阿耨多羅三藐三菩提是故大王當勤精進莫生放逸菩薩摩訶薩欲求法者勿著五欲大王一切凡夫於欲無厭得聖智者則能捨棄人身無常壽命短促是故大王應離世間求出世道大王今者供養如來所得善根應作如是四種迴向自在無盡法無盡智無盡辯才無盡此四迴向與般若波羅蜜相應皆悉無盡大王菩薩摩訶薩行般若波羅

蜜應淨身口意戒何以故爲得聞思修故以
方便力教化衆生以般若力降伏諸魔願力
成就行不違言卽時治世轉輪聖王聞佛所
說甚深般若波羅蜜心生歡喜得未曾有卽
取寶冠自解纓絡供養如來捨四天下皆以
奉佛作如是願常修梵行學此甚深般若波
羅蜜以決定心趣向阿耨多羅三藐三菩提
王宮女人聞佛說法皆生歡喜發菩提心脫
上分衣及寶瓔珞供養如來治世聖王卽捨
寶臺以奉上佛而求出家卽時功德莊嚴王
佛讚治世轉輪聖王言善哉善哉大王今日
所行不違誓願大王善修布施持戒忍辱精

並禪定智慧過去諸佛已修此法得成佛道
未來諸佛亦修此法當得成佛今時治世聖
王白佛言世尊菩薩摩訶薩修行布施為與
般若波羅蜜異不佛告治世聖王言大王夫
布施者若無般若波羅蜜但名為檀非波羅
蜜以般若波羅蜜故乃得名為檀波羅蜜持
戒忍辱精進禪定智慧亦復如是何以故般
若波羅蜜性平等故功德莊嚴故佛說是法
時治世聖王得無生法忍佛告勝天王言菩
薩摩訶薩行般若波羅蜜應如彼王今時治
世轉輪聖王即然燈佛是其王千子賢劫千
佛是今時勝天王白佛言世尊云可菩薩摩

訶憍行般若波羅蜜修學速成阿耨多羅三藐三菩提道佛告勝天王言大王菩薩摩訶薩行般若波羅蜜修習大慈於諸衆生不起惱心具足勤行諸波羅蜜及以四攝四無量心助菩提法修學神通了達優波憍舍羅一切善法無不修滿如是行者則能速成阿耨多羅三藐三菩提大王菩提道者所謂信心清淨心離諂曲心行平等心施無畏心令諸衆生成悉親附勤行布施果報不盡堅持淨戒而無障礙修行忍辱離諸瞋惱勤加精進修行則易以有禪定不起散亂具足般若能言通達有大悲故終無退轉有大喜故能悅

彼心修行大捨不起分別無三毒故離諸棘
刺不著色聲香味觸故滅諸戲論無煩惱故
遠離怨敵捨二乘念其心廣大具一切智能
出衆寶大王菩薩摩訶薩行般若波羅蜜如
是學者速成阿耨多羅三藐三菩提今時勝
天王白佛言世尊菩薩摩訶薩行般若波羅
蜜現何色貌教化衆生佛告勝天王言菩薩
摩訶薩行般若波羅蜜示現色形無有定相
何以故隨諸衆生心之所樂即見菩薩色貌
如是或現金色或現銀色或玻瓈色或琉璃
色或碼碯色或砮磈色或真珠色青色黃色
赤色白色或日月色火色焰色帝釋色梵王

色霜色雌黃色朱色占蔔迦色須摩那色婆
利師迦色波頭摩色拘物頭色分陀利色功
德天色鵝色孔雀色珊瑚色如意珠色虛空
色天見是天人見是人大王十方恒河沙世
界中一切衆生色形相貌菩薩摩訶薩悉現
如是何以故菩薩摩訶薩行般若波羅蜜不
捨一切衆生故遍能攝取何以故一切衆生
心各不同是故菩薩種種示現何以故菩薩
摩訶薩過去世中有大願力隨諸衆生心所
樂見而受化者即為示現所欲見身大王如
淨明鏡本無影像隨諸外色若好若醜種種
悉現亦不分別我體明淨能現衆色菩薩摩

訶薩行般若波羅蜜亦復如是無功用心隨
衆生樂種種示現悉令悅彼而不分別我能
現身大王菩薩摩訶薩行般若波羅蜜於一
座中隨諸聽衆或見菩薩說法或見佛說法
或見辟支佛說法或見聲聞說法或見帝釋
或見梵王或見摩醯首羅或見韋紐天或見
四天王或見轉輪聖王或見沙門或見婆羅門
或見刹利或見毗舍首陀或見居士或見長
者或見坐寶臺中或見坐蓮華上或見行在
地上或見飛騰虛空或見說法或入三昧大
王菩薩摩訶薩行般若波羅蜜爲度衆生無
一形相及一威儀不示現者大王般若波羅

蜜無形無相猶如虛空遍一切處譬如虛空
無諸戲論般若波羅蜜亦復如是過諸語言
又如虛空世所受用般若波羅蜜亦復如是
一切凡聖之所受用又如虛空無有分別般
若波羅蜜亦復如是無分別心譬如虛空容
受衆色般若波羅蜜亦能容受一切佛法譬
如虛空能現衆色般若波羅蜜亦復能現一
切佛法譬如空中一切草木衆藥華果依之
增長般若波羅蜜亦復如是一切善根依之
增長譬如虛空非常無常非語言法般若波
羅蜜亦復如是非常無常悉離言語大王世
間沙門婆羅門若釋若梵無能思量般若波

羅蜜者大王般若波羅蜜無有一法可爲譬
喻若善男子善女人信受般若波羅蜜者所
獲功德不可思量若此功德有色形者空界
不容何以故般若波羅蜜出生世間及出世
間一切善法若人若天若天人王若須陀洹
向須陀洹果乃至阿羅漢向阿羅漢果辟支
佛道菩薩十地十波羅蜜諸佛阿耨多羅三
藐三菩提一切種智十力四無畏十八不共
法皆從般若波羅蜜生說是法門時衆中五
萬菩薩摩訶薩得不退轉一萬五千天子得
無生法忍一萬二千天人遠塵離垢得法眼
淨恒河沙數衆生發阿耨多羅三藐三菩提

心諸天空中作眾伎樂不鼓自鳴散眾天華
 供養如來般若波羅蜜天龍夜叉乾闥婆阿
 脩羅迦樓羅緊那羅摩睺羅伽人非人等散
 種種華及諸寶物供養世尊般若波羅蜜異
 口同音一時讚曰善哉善哉世尊快說般若
 波羅蜜

勝天王般若波羅蜜經卷第五

羽

真脰下云善思惟及此矜高上居陵及姪他上也地

吼羅下上聲婆下蒲我反底下禮拏下女雅反莎

桑和旧音鼻荼上聲柘之夜祢女履造多初上

救反下音祠一音可反甌上音樓下呂口反祀反阿

毗下音社反時者施他我羈反哀反青紺

也	也	履	小	性	苑	之	青	下
亦	農	韋	兒	牲	鳧	鳧	紅	甘
云	官	細	在	只	鴈	鴈	色	暗
成	學	云	水	怨	同	上	也	反
達	四	遍	遊	化	前	音	則	靡
羅	太	勝	越	生	扶	扶	靡	緬
	姓	天	翔	集	鵠	鵠	順	彼
		則	飛	上	反	下	也	反
		幻	一	音	鴻	胡	園	苑
		惑	也	祥	毒	毒	苑	下
		之	此	革	狽	狽	謂	之
		義	毗	屣	面	音	之	紆
		田	舍	革	能	生	園	阮
		首	首	屣	言	獸	有	反
		隨	隨	即	今	也	牆	無
		謂	此	皮	反	云	又	謂



